

۲۴ کانون ثانی سنه ۱۳۲۶

فی ۱/ صفر سنه ۱۳۲۹

پازار ایتسی

جمعیت علمیة اسلامیہ نك ناشر افکاریدر

مدیر مسئول :
مکتب قضاء معلملرندن
کلیملی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

ادبیات

محاسن ادب ارضروملی عمرنصوحی
نظم واشکال طاهر المولدی
خلیل نصوحی امضالی مکتوبه جواب
ترجمه ابن سینا شرف الدین

تبیین حقیقت ارباب تحصیلدن ح : ی
علویت ارمناکلی م . صفوت
ترکستان م . صفوت

نسخه سی ۱ غر وشددر

آبونه اجرتی (پوسته اجرتیه برابردر)

مماثک اجنبیه ایچون :
۱۳ ، ۰۰ فراق
» ۶ ، ۰۰

استانبول وولایات ایچون :
برسنه لکی ۵۰ فروش
القی آیلغی ۲۵ »

درج اولنیمان اوراق اعاده ایدز

قارئلر مزه

اکثره مقالات آیات کریمه واحادیث نبویه درج ایدلمش بولندیفی نظراعتباره آلههرق رهایتسرلکده بولنلهامسی رجا اولنور .

درسعادت

شرکت طباطبایه مطبعه سنده طبیع اولنمشدر



پازار ایرنسی کونلری نشر اولنور دینی ، ادبی ، سیاسی و فنی هفته‌اق غزته در .

تبدین حقیقت []

یقولون اقوالاً ولا یعلمونها
ولو قیل هاتوا حقا و الم یحققوا

کتب کلامیه و حکمیه ده بر تفصیل بیان ایدلیدیکی وجهله
ارباب نظر واستدلال ایکی به آریلور و بتون ملیون ایله
هر شعبه حکمت ده کی اصحاب اختصاصه شمولی اولمق
اوزره هر فرقه برر عنوان عام ایله یاد و تعبیر اولنور .
متکلمین ، حکما .

مذکور فرقه لر آره سنده نه فکر و نه شرحه اولان
اختلاف شدید رغماً — بر چوق مسائلده اتحاد و وفاق
حصوله کلمش ، « نبوت اعلای مراتب بشریت » در
قضیه سی ده مسائل متفق فیها عددانده بولنشدر . حکما
دیرکه — طبیعی الهیون — هیولای عالم یعنی ماده « عقل
بالعمل » اصحابی اولان « کندیلرنده بتون نظریاتک ملکه
استحضار و مشاهده سی بولنان انبیایه مطیع و منقاد اولمغه
پیغمبر ، حازر اولدینی قوه قدسیه ایله لزومنده ماده ده

[*] بومقاله کچن هفته کچ وقت وارد اولدیغندن بونسخه ده درج اولنشدر

تصرف ایدر و بر چوق خوارق ذاتاً ممکن و فقط عادة
مستحیل بولنان افعال و حوادثی ایقاع و احداث ایلده بیلیر .
متکلمینجه واجب مختار اولدینی جهتله طرف سببجا
نیسندن بشر آره سنده عهدۀ لیاقت و قدسیت لرینه رتبه
جلیله نبوتی توجیه ایچون بر طاق ذوات عالیه انتخاب بیورلمش
و مشار الیه هم حضراتی نیجه نیجه معجزات و خوارق ایله
اکرام و تأیید اولنشدر . انبیای عظام علیهم الصلوة والسلام
حضراتی انسانلری طریق رشاد و حقیقته سوق و تسلیمکه مأمور
اولدیلرندن خلقة و خلقا اکمل بشر بولنلری مقتضای
مأموریتلری اولمغه بشریتک سمنه لرحه اوغراشه رق
وصول و وقوفنه موفق اوله بیلیدیکی و یا اوله مدینی حقائقه
یا وحیاً و یا حدساً و قوف و اطلاعلری لازم و بلکه بالعموم
خصوصانده سائر بنی نوعلرندن امتیازلری بر امرطبیعی ایدی .
شومقدمه چکی تمهیددن صکره « تقیدات صحیه نک
و جوب شرعیسی » عنوانی اخیراً انتشار ایدن مقاله یه
دائر بر قاج سوز سولیک ایسته رز ! هر کس بیلیرکه

اولمخس مجهول الاصل، فرنگیجه دن مترجم، برتک کتابدن
بشده بر کتاب یوق !

والحاصل فخر کائنات علیه اکل النجیات افندمزا
مصدر غرائب و خوارق . مظهر عجائب و دقائق
اولدقلری نی تسلیم واعترافده اجناسیه عقلائی اعدائی
یکزبان . اصحاب انکارک سیای ترددیده « و ججدوا بها
واستقیمتها انفسهم » سری ارباب دقیقه تمیان در . لکن
« من لم یجعل الله له نوراً فانه من نور » .

مقاله مذکورده دینایورکه « جناب پیغمبر کندیلرینه
مراجعت ایدن خسته لر، هیج بروقت شونی بونی، اوقوییکز
دیمدیلر اولوقت بین العرب تجارب ناقصه اوزرینه میدان
آلمش اولان علاجلری توصیه ایدرلر وقانون خلقتیه
ایمانی کواسترلردی »

عقلی باشنده اولان بر آدم جهلک، مدار حکم اوله میه جفنی
بالداهه تصدیق ایده جکندن مجهول اوزرینه حکم ایده مز،
نیه حکم ایده جک ایسه - اثباتاً اولسون نفیاً اولسون
- طرفینی محکوم علیهی، محکوم بهی ملاحظه ضرورتی
حس ایدر بناءً علیه عقلاذن اولدیفته قطعاً شبهه اولمیان
مؤمن کامل « من کذب علی متعمداً فلیتبوأ مقعده
من النار » انذار متواترندن تترکن روشقهیه استناد ایتدیکجه
حضرت پیغمبر شونی یابدی ویا یامدی دیه مز . بزبوراده
رقانک عدم توصیه سی ویا عدم جوازیه اولان حکمه
بر مدار آراشدیره جفمزده کتب ضحاک طرف نقیضده کی
مرویات آتییه سی نظر مطالعهیه آلهلم !

قال البخاری حدثنی ابراهیم بن موسی اخبرنا هشام
عن معمر عن الزهري عن عمروة عن عائشة رضی الله
عنها ان النبی صلی الله علیه وسلم کان ینفث علی نفسه
فی المرض الذی مات فیہ بالمعوذات فلما ثقل کنت انفث علیه
بهن وامسح بید نفسه لبرکتها وبسنده الی عائشة رضی الله
عنها قالت امرنی رسول الله صلی الله علیه وسلم او امران
یسترقی من العین وبسنده الی ام سلمة رضی الله عنها ان

پیغمبر من علیه الصلوة والسلام امی ایدی . هیج بر مکندن
نشئت ایتمه مش ، هیج بر دار الفنونده اکل تحصیل
ایلمه مش اولدقلری کی قبل البعثة مستط رأس سعادت لری
اولان مکة مکرمه . بر جهالت الیهام حکم فرما اولمشی
طولایسبله آشنای علم و حکمت بر ذاته تصادف و مرافقه
خصوصی اوله رق اکتساب عرف فاده بیورماهش ایدی .
واقما عمیلری ابوطالب ایله شامی تشریف لرنده بالماسبه
راهب بحیرا ایله ملاقات بیورماهش ایدی . فقط هم
کندیلری زمان ملاقاده بر طفل مرهق اولدقلرندن ،
همده مدت ملاقات بر ایکی ساعتدن عبارت بولدیغندن
ملاقات مذکورده بردهای فوق العاده عرفان ابرازینه طبیعی
سبب اوله مازدی . دیمک اولیورکه اودات عالی صفاتک
مأخذ عرفانی کتبخانه وحی آلهی ایدی .

خصوصیت احوالی نظر امعان و انصافه آلانلرجه
قابل انکار اولمیان حقایقندن درکه ! هر فعلنده هر قولنده
بر حکمت ، بر فوق العاده لک مشهود و کندیلری بر طبیب
جسمانی اوله رق بمث اولنماقله برابر امته نشر وتبین
بیوردقلری حقائق ازمه سنده « حمی » نی ماء بارد ایله
تداوی کی بر جوقده وصایا ودقائق طبیعه موجود ایدی .
حتی طبه عائد اولان احادیث صحیحه قسماً کتب صحاحده
طرق متمدده ایله روایت اولمخس ، قسماً کتب طبیعه
نبویه ده بیان و تخریج و موفق الدین بغدادی کی حکمای
اطبا ، اعظام ارباب فن طرفلرندن ایضاح و تشریح
ایدلمشدر .

ایشته او ! عالم انسانیتک ، ساحه علم و فکرک نظرکاه
تقدیر و احترامنه اظهار و ارائه بیوردیفنی حقائق ،
خوراق هب او مکتبه فیضناک ازلی محصولی ایدی .

سزاوار تأسف درکه ! فرنگلر بیله مختلف کتب
طبیعه نبویه نی و لو مجرد اطلاع ایچون اولسون لسانلرینه نقل
و ترجمه ایتدکلری حالده طب نبویه عائد لسانلرینه ترجمه

سون؛ مانیاتیزم، الکتریق، ضیا کبی محسوساتک کنهنه و قوف ادعا-نه ارباب فندن شمدی به قدر بر فرد جرأت ایتمه-شدر. یا حال بویله ایکن ناصل اولیورده بر طاقم شارلاتان طهارتسز، او قودیفنی بیلمز افسوننجیلره باقهرق رقا کو کندن انکار ایدیلور.

اوائل اسلامده اسماء شیاطین و اصنامی حاوی، موجب شرک اولان جاهلیه رقیه لری علیه الصلاة والسلام افندمن طرفدن شدیداً منع بیورلمشیدی. فقط وقتا که الفاظ و معانیسیله شفاء محض ارباب ایمان اولان قرآن کریم پی در پی شرف نزوله باشلادی. طرف رسالتپناهیدن کرک. الفاظ قرآنیه کرک، اسماء و صفات الهیه ایلله اولان رقایه مساعدده بیورلدی. فقط بوصرف بر رخصت، معنویات ایلله تداوی به مساعدده ایدی فی الحقیقه سنن ابن ماجهده و سایر مسانید معتبرده تخریج اولنان «تداووا عباد الله فان الله سبحانه لم يضع داء الا وضع معه شفاء» «ما نزل الله داء الا وانزل له دواء» کبی احادیث شریفه ایلله مشروعیق اعلان بیوریلان تداوی مطلق اولدیفن؛ محتاج نفسیر ایدی. بناء علیه اطلاق مذکور بیانا کرک ادویه مادیه ایلله تداوی کرک، معنویات ایلله تداوی حقندمه یک چوق احادیث شریفه وارد اولمشدر.

امرتداویده آراء فقهاء کرامی او کرمک ایسترسه کتب فقهیهده هرایکی صورت تداوینک جوازی خصو-صنده نقول صحیحیه تصادف ایدرز. «وجاز الحقة للتداوی ولوللرجل بطاهر لا نجس وکذا کل تداو لا یجوز الا بطاهر وجوزه فی النهایة بمحرم اذا خبره طبیب مسلم ان فیہ شفاء ولم یجد شفاء یقوم مقامه اه» درالختار.

«ویقال رقاہ الراتی رقیاً ورقیه اذا عودته ونفت فی عودته قالوا انما تکره العودۃ اذا كانت بغير نسیان العرب ولا یدری ما هو ولعله یدخله سحراً او کفراً و غیر ذلك واما ما کان من القرآن و شئ من الدعوات فلا بأس به اه» ابن عابدین

النبی صلی الله علیه وسلم رأی فی بیتها جاریة فی وجهها سعة فقال استرقوا لها فان بها النظرة و فی صحیح مسلم بسنده الی عائشة رضی الله عنها قالت رسول الله صلی الله علیه وسلم اذا اشتکی منا انسان مسحہ بینه ثم قال اذهب الی البأس رب الناس واشف انت الشافی لاشفاء الا شفاؤک شفاء لا یغادر سقما الحدیث و بسنده الی عائشة زوج النبی صلی الله علیه وسلم انها قالت کان اذا اشتکی رسول الله صلی الله علیه وسلم رقاہ جبریل قال بسم الله یریک ومن کل داء یشفیک ومن شر حاسد اذا حسد و شر کل ذی عین و فی سنن ابی داود بسنده الی عوف بن مالک قال کنا ترقی فی الجاهلیة فقلنا یا رسول الله کیف ترقی فی ذلك فقال اعرضوا علی رقاکم لا بأس بالرقا ما لم تکن شرکا و بسنده الی سهل بن حنیف یقول مررت بسیل فدخلت فاغتسلت فخرجت محمواً فمعی ذلك الی رسول الله علیه وسلم فقال مروا ابا ثابت یتعوذ الحدیث و فی سنن الترمذی بسنده الی انس رضی الله عنه ان رسول الله صلی الله علیه وسلم رخص فی الرقیة الحدیث

ابن اسینا برارند «الکلام یدلک شیئ هان انکاره قال قیسمه» دیور. انه طوغرو سوز بو عالم کون و فسادده وله ارای ارباب عقول نیجه شیلره تصادف اولیورکه حیرتله تلقیدن بشقه انسانک النندن برشیء کلیور. علوم و فنون بوقدر ترقی ایتکله برابر کشف اولنمان حقایقه نسبتله کشف اولدیفنی ظن اولنانلر هیچ مثابه سنده بولندیفنی هیچ بر متفنن انکار ایتمز و ایدمه مزده. (فسیولوزی) نک ترقیات حاضرهمسی قابل انکار اولما غله برابر بتون اجزای حیوانک فوائد و اعمال نفس الامر به سنک انکشافنده اصرارک قطعاً بر قیمت فیهمی یوقسدر. چونکه ذیل اعور، طحال کبی اجزا: ایلله معارضه یک قولایدر. انسانه کندن یقین برشیء یوق ایکن کندی فصلانی بلکه جنسنی بیله هنوز تعیننه موفق اوله مامش اولدیفنی حقائق مسلمدهن دکلیدر؟ سیرتیزم کبی حالات عجیبه شویله طور

بخش اولیاسی ممکن ایسده بویه اعتقادك تأثیرینه تابع عارضه لر صرف مزاجه ، طبیعته مستند فن جلیل طبیه بره بحث مهم تشکیل ایدمز « ابن خلدونك ، فنون سائریه عائد صحیفه لر طولوسی ایضاحات ویردیکی حالده فن طبیه دائر يك ناقص مجمل برصورتده بیان ملاحظه ایدرهك تفصیلاته کیریشه سی ویا لکیز طبابت نبویه بر شکل قدسیت ویردکدنصرکه حدیث علی اخطار ایله اکثفا ایدسی تبمات طبیعتك نقصانه دلالت ایدر . مشارایه ، اکثر علوم وفونه انتسابی بولمق وبر نفوذ نظره مالک اولمقله برابر بر مورخ ایدی .

برمورخن تدقیقات تاریخیه بکله نیر ، طبیعی تشریحات طبیعه بکلنمزیا . مع مافیه طب نبوی حقنده کی اثری علی الخصوص موفق الدین بغدادیک مؤلفات و حدیث عسل حقنده اولان تدقیقات فسیولوجیه سی کوریدی بویه بر خطایه دوچار اولمازدی .

ابن خلدون برحمتهد اولمدیغندن اولسه بیله خطای ایدمیهل جکندن بیاناتی ، علی الخصوص انتسابی بولمقدینی اشکار اولان موضوعلرده کی اقوالی هیچ بروجهله مدار احتیاج دکلدیر . مع مافیه مشارالیهک بیاناتیه بالادته تثبیت ایتدیکنز نقل آرمه سنده هیئت عمومیه جه خلیجه فرق وار . بز بوراده تطویلدن احتراز آینی ویاینآ ترجمه سی نقل ایدمجهک دکلیز آرزو ایدن پذیرات اصله مراجعت ایله تحقیق کینیت ایدمیلیر ربنا لاترغ قلوبنا بعد اذهدیتنا وهب لنا من لدنک رحمة انک انت الوهاب !

حاشیه سی ده شودر اصحابدن [*] ابی سالمی قارداشنک اسمالندن وقوع بولان شکایت اوزرینه

[*] عن ابی سمیدان رجلاً أتى النبي صلى الله عليه وسلم فقال اخبرني بطني فقال اسقه عسلاً ثم أتى اثناً فقال اسقه عسلاً ثم أتاه ثالثة فقال اسقه عسلاً ثم أتاه فقال فمت فقال صدق الله وكذب بطن أخيك اسقه عسلاً فسقاه فبرأ . البخاری . قال الحافظ ابن حجر لم أقف علی اسم واحد منهما .

ادویه مادیه نك صانكه عمومیهله تأثیری کوریدورمی ؟ کورلیدیکی حالده هیچ بر تأثیری اولمیه جغیه حکم ایدیلورمی ؟ مغویانك تأثیری علی الخصوص امراض عقلیه ، اختناق رحم کی امراض عصبیهده حسن تأثیرینی کوررکن بعضا تأثیری حسن اولنمور دیه کلیا انکاره قالدیشمق نهدن صحیح اولسون ؟ احتیاطی الدن بر اقامان بر مریضك مغویاته ایمانی وارسه بر طرفدن مادیات ایله تداوییه شتاب ایتمهکه برابر مغویاته توسل ایله استشفای ایتمه سی قدر طبیعی برشی اولماز .

« اولوقت بین العرب تجارب ناقصه اوزرینه میدان المش اولان علاجلری توصیه ایدرلر وقانون خلقته ایمانی کوستر لرردی » سوزی قطعاً موافق نفس الامر اولماز . چونکه هیچ برکیمسه یه دیکرینك تجربه سی قناعت بخش اولمیه جغندن ، خصوصیه ، اولوقتده وادی وحشت وجهالنده بویان اولان عربلرک تجارب جاهلان ناقصه سنك یقین افاده ایتمی هر وجهله مستبعد اولدینندن اوتجارب ناقصه ایله مزاج و طبیعتی قطعاً تمین ایتمین بر علاجی توصیه . مراجعت ایدن مریضك حیاتیله استعزا اولمازمی . برکزه دوشونولسون ! مناسی اعظیم لاسر الله ، شفقت علی مخلوقات الله اولان بر دینه خلقی دعوت بیوران بر ذات مراحم صفاته بویه بر اسنادده بولمق موافق انصاف میدز ؟ انیا سنن ابن ماجهده تخریج اولنان « من تطيب ولم يعلم منه طب قبل ذلك فهو ضامن » قانونی اعلان ایدن بر بنی حکیم ، بر طاقم جهله نك محصول تجاربی اولان ادویه مجهولیه یی مرضیه یه توصیه ایله فعلیه قولی حاشا تکذیب بیوررمی ؟

« ابن خلدون مقدمه تاریخنده دیورکه » « حضرت پیغمبردن تداوی امراض حقنده روایت اولنان احادیث شریفه مزاجه ، طبیعته مستند اولمدیغندن فنی دکلدیر ، عمل اولماز بویولده تداوی نك حسن اعتقاد یاردیمیه قلبه انبساط واعصابه حسن تأثیر ایتمهکه بعض امراض عصبیهده فائده

حضرت پیغمبر بال ایچمه سنی توصیه ایدرلر . انی سلمی قارداشنه بالی ایچیر بر فائده ویرمیدیکنی مکرراً عرض ایدنجه اوچنچی دفعه ده حضرت پیغمبر : « اللهم کلامی صادقدر سنک قارداشنسک بطنی کاذبدر » دیه بیورمسی اوزرینه بویولده قارداشنه امر پیغمبری تبلیغ ایدیلر و بو دفعه ایچیلان بالدن خسته شغایاب اولور ، « حدیث شریف مذکورده حلی حکایه اولان سر بعضی مرضی ، محدثینک تصریح اتندن و باخصوص صحیح مسلمده « ان اخي عرب بطنه » روایتندن و حافظ دنیورینک ، کتاب الطنبده حدیث شریف مذکورک باب الذرب من الهیضه » ترجمه سیله تخریجندن ، استفاد اولدینی اوزره دیزانتیری « قانلی باصوردکلر (تخمه معدوی معانی) [Bambarra gastro intestinal] ایدی . کتب طبیه بسیطده بیله ایضاح ایدلیدی وجهله کرک اسهال ایله باشلاسون ، کرک قبی ایله مترافق اسهال ایله ظهور ایتسون « تخمه » نک تدویسی معده و امعاده کی مواد متخمرة متراکمینی اخراج ایچون علی العاده بر مسهل ایله باشلاز [افرات معاینه] تزید ایدرک بادی اسهال اولان ادویه نک اسهالده اعطاسی ناموافق کبی کورینورسده بر فساد هضمی متعاقب ظهور ایدن اسهالده — که او ائنده اشتهای مفقود و هضمک تغیرندنشای معده و امعاده هضم اوله ماش ما کولاتک عادتاً مسهل میخانیکی مثلوا معای تخریش ایتدیکی و افرازان داعی بولندی مصددر — مسهلات حقیقه باعث استفاد اثار حصوله کتورر . صفراوی اسهالانده — که بواسهالار معاء اثنا عشرک التهاجی متعاقب وقوعه کلور و کثرت اوزره منفرد اولان صفرا معای تخریش ایدر — ینه مسهلات ، امعاده بولنان صفراوی دفع ایله معای عناصر فاسدده دن خلاص ایلکده در . ایجاب حاله کوره مسهلات یا بالکیز یا خود بر مقی ایله برلکده ویریلور .

فی الحقیقه تخمه ده مسهلات مانجه استعمالی نسبة ده

زیاده ایسهده کرک عربلرک بال ایله اولان الفتیری ، کرک اعتیاد و الفتک امر تدایده تأثیر عجیبی بولمسی سیدلریله مریض مذکورک بر مسهل لطیف اولان بال شریقه تدویسی پک موافق ایدی . ایشته بو حکمنه مبنی درک طب نبوینسک محصول تجارب اولان طب قیلندن اولیوب مشکاة وحی نبوتدن مأخوذ بولندیغنی و بناء علیه توصیه بیوریلان ادویه نک بهمه حال حسن تأثیری کوریله جکی تلمیحاً دهان حکمت بیان رسالتنا هیندن « صدق الله و کذب بطن اخیک » قول حقیقت مآلی شرفوارد اولمشدر . « شمعی » آخر الدواء الکی « حدیث شریفدر دیه ایصتمه طوتان آدمی داغلامغه قیام ایتک ، دیزانتیری به مبتلا ، معده سی امعاسی ضعیف خسته به شفا در دیه بال ایچیرمک طیب حاذقک اذنی اولمقسزین شرعاً قطعاً جائز دکدر .

انسانلرک درجات استعداد و ذکاسی متفاوت اولدیفندن بر معلم متخصصدن اخذ و تلقی ایتدکجه ، بر مریضک اغوش تربیت و ارشادنده پرور شیا بکل و فضیلت اولمدکجه هرکس یالکیز اعمال افکار و یا مطالعه کتب و اسفار ایله تحصیل علوم و فنونه مقتدر اوله ماز . هانکی برلسانده یازلمش اولان حکمت ، بر هندسه کتبخانی اولسانه آشنا بولنان بر کیمسه به ویریکیز ! کمال جد و دقتله مطالعه ایتسون ! عباراتی تحلیل ، قواعد منبیه سنی حفظ و تحصیل ایتسون ! حاصل اوله حق نتیجه طبیعی اوداتک حکیماسکی ، مهندسسکی دکل ، بعض قواعد حکمت و هندسه بی ناقص ، غیر واضح بر صورتده افاده و تقریر بر استعداد کوسترمسی در .

ایشته ! بالعموم فنون کبی طبکده حکمی بودر . بر آدم قالقوبده یالکیز کتب طبیه یی مطالعه ایتدکجه نه کندیخی نه ده بشقه سنی تدای ایدمزر . چونکه بوتهدیکلی تجربه نک نهایی یا برعضوک تعطیلی و یا حیالتک زوالندن عبارت بولنه جنی بدیهی در . بناء علیه امر تدایده طیب حاذقه مراجعتک لزومی یالکیز و صایای طبیه نبویه ده دکل ، بتون

منحصر اولیوب طوب تفنک کی انواع رمیه شامل اولدینی کی کلام مذکورده کی «کی» ده قزغین دمیرله داغلامق صورتیه منحصر ایتیموب قدیم، جدید کتب طبیه ده، مفردات طبرده مفصلاً بیان ایدیلاں و کیمیوی، قلوئی، مایچی کی وسائط ایله اولان صور مختلفیه شاملدر .

« فیه شفاء للناس » آیت جلیله سندن ، « علیکم بالشفائین العسل والقرآن » « اسقه عسلاً » کی احادیث شریفه سندن مستفاد اولدینی اوزره شفاسی قطعاً محقق اولان « بال » ک ده حکمی بولهدر . زیرا ، اگر هر خسته ، لك ظهورنده بالفرض دیزانتریده بال ایله تداوی امر اولغش اولیدی ، حمیه کی عمومی تداییر طبیه ک انتخابی امر اولغاز ، بالدن بشقه بر طاقم خصوصی علاجله تداوی توصیه بیورلمازدی .

کتب طبیه یه مفردات طبرده مراجعت ایده جک اولورسه ق بال حقیقه شو معلوماته تصادف ایدرز .

« عسل » « الماهیه » العسل طل خفی یقع علی الزهر و علی غیره فیلقظه النحل الی ان قال عسل النحل حار یابس فی الشانیة قوته جالیة مفتحة لافواه العروق یتقی القروح الوسخية الفائرة وماؤه یقوی المعدة و یشهی الح باختصار قانون ابن سینا

« بال » لطیف برغدا سیکری اولدینی مثلاًو زیاده مقدارده قولانیلورسه بر مهمل لطیف خدمتیده ایضا ایدر . عسل ، جرع و مغذیری تسکیر ایچون قولانیلدینی کی ۶۰ غرام عسل ۷۵۰ غرام صوده حل اولنهرق آب انکیبن یاخود ماء عسل (Hydromel) استحضارایدیلور . سرکه ایله قاریشدر یلهرق « سرکنجین » (Oaymel) حصوله کتوریلور . چوجقلرده ۶۰ الی ۹۰ غرام و بیوکارده ۲۰۰ غرام ودها زیاده عسل شربت یا بیلهرق مهمل خفیف طرزنده ایچیریلور . مفردات طب

منیر افندی

« جناب پیغمبر افندمن علم طبک دقایقه عدم وقو -

وصایای طبیه ده مقرر وواجبدر . ایشته بو دقیقه یه مبنی - درکه فنه ها ، « حاکمسر ، طبیب حاذقسر بلده ده اقامت جائز دکلدر . « بیوریور . فرجه امراً عرف قدره ولم یسعد طوره .

صانکه نه ظن اولنیور ؟ یا لکزمائع غیر مائع موادک ارتشاف وبلغندن عبارت وبناء علیه « کی » ایله تداوی اولنهماز دینک می ایسته نیور ؟ بزم ظنمزه قالورسه خلقه قارشو بویله نموها نه ایاد مقال اولنهمغه بر طبیب متخصسه مراجعتله مساوات و تداییر مختلفه طبیه ، علی - الخصوص الك نازک اعضایه و ارنجیه قدر کواویاتک [Cautiques] استعمال ایدیه بیله جکی و ایدلنکده بولندینی حقیقه معلومات اجمالیه آنسه دهاموافق اولوردی .

قالدی که « آخر الدواء الکی » کلامی حدیث اولمقدن زیاده « من ابدادواها تکوی الابل » کی قائلی مجهول امثالدن اولمقله معروفدر . جهمرده بیان ایدلنکی وجهه ملائمه اجرای تأثیر ممکن اولیان ، انجق ابراز شدتله اصلاحی قابل اولان اشیاده ضرب اولنور .

ترکیب مذکورک حدیث اولسون - مضر بندن صرف نظر ایدرسه ک « کی » مؤثر بردوا در . معناسی افهام ایدلنکی ایچون مکمل بردستور طبی اولدیغنده اصلاً ترد ایتیمیز . چونکه ترتیب طبیعی کوزد دیله جک اولورسه الکی آخر - الدواء شکانی له جغندن وبناء علیه بر قضیه طبیعیه اوله جغندن افاده ایدم جکی معنا . هر مرضک انجق « کی » ایله تداوی ایدیه بیله جکی ، دکلدرکه ایسته یه طوتولان آدمی داغلامق احجاب ایتسون ! اکمک ، صو باعث حیات اولدقلمری حالده لزومنده معتدل بر صورتده استعمال اولغازلرسه باعث امراض اوله جقلرنی ادراک ایدن ، عقلی باشنده اولان انسانلر یا لکمز « کی » نی دکل ، هیچ بردواء مؤثر و مفیدی لزومی کورلمدکجه استعمال ایتزلر .

شوراسیده نظر دقتدن دور طوتولما ایدرکه « من لم یرم فلیس منا » حدیثندن مستفاد اولان رمی ، رمی نشابه

بدیهی برشیدر . اصل بوراده نظر دقتی جلب ایدم جک جهت قانون اسلامک بر مجموعه عدالت ، دها طوغریسی برخلاصه مدینت اولوب اقوام مدینهک تعقیب ایتدیکی پروغرامک سعادت انسانیهی ایجاب ایتدیرم جک بتون نقطه لرینی جامع بولنمیسیدر . فی الواقع یکرمی درت ساعتک بویله الیشر ساعته تقسیمی فحرکات اتدینم طرفندن واقع اولوب اولمیدینی بیلمیورم . فقط اسکیدنبری هیئت اجتماعیه اسلامیه جه قبول اولنمش برقاعده مستحسنه اولسنه نظر اصحاب شریعت طرفندن صراحت دکسه بیلهر حالده اشارت صورتیله بویله برتقسیم بولمیدینی کیمسه انکار ایتنم .

حالم مدینت ده سعادت بشریهی تأمین ایچون تشکل ایدن جمعیتملر ، تعقیب ایدیلان پروغراملر ، وضع ایدلمک استیلان قاعده لر عمومیت اعتباریله بسبتون بربرینه موافق اولمیدینی واوله میه جنی کی بسبتون ده بربرینه مخالف باشند باشه بربرینه طبان طبانه ضد دکلدر . فقط هر برینک قورتیله مدینی افراط ، تفریط اعتباریله یکدیگره قارشی مخالف بولنقله برابر تعقیب ایدم بیلدیگرلری اعتدال نقطه لرنده تماماً موافق وهم فکر اولدقلرینه ده شبهه یوقدر . بکاویلله کلورکه : طرز ادارمک حسن تمشیتی خصوصنده مختلف فکرلر تعقیب اولنقل مسئله سی بدرجهیه قدر مستثنا اوله رق فکر اسلامیه ، فلسفه اسلامیه تعقیب ایدیلان بر ملکیتده قواعد اسلامیهی قبول ایتدنصکره بشقه جه پارتیلر ، پروغراملر تعقیبنه هیچ حاجت یوقدر دیه حکم ایدم جکم کلور .

انسان درین بردوشونجه ایله دکل بسیط بردوشونجه ایله ده بوحقیقتی اکلایه بیلور . بوکون مشروطیتله اداره اولانان ملکیتلرده تشکل ایدن پارتیلرک ، جمعیتملرک هر برنده برچوق کوزل نقطه بولنه بیلیر . مثلاً ناسیونالیستلر . دموقراطلر وسائر کی سیاسی ، حمایه حیوانات ، منع مسکرات وسائر کی اجتماعی ، اخلاقی جمعیتملرک هر برنده

فلرندن ناشی حاشاشان جلیل رسالت پناهیلرینه برنقیصه تشکیل ایدر دیه خاطره برشی کلسون . مأمور بیورلدینی اصل تبلیغ احکام الهیه وظیفه نفیسه سنه وظیفه سی اولمیانلری قارشیدر مدینندن طولانی کنیدیلری تحیل اولنورلر . « مقاله منر ایچه اوزادینندن مالاً تکرار ایدن و « تقشمر منه جلودالین یخشون ربهم » حاله تامیله ماصدق اولان بوسوزلره مقابله یی لزومسز کورورو « اهدنا الصراط المستقم صراط الذین انعمت علیهم » دعاسنی تکرار ایلرز . ارباب تحصیلدن

ح : ی

علویت اسلامیه دن بر نمونه دها

کچارده صباح غزته سنک برنسخه سنده بلغارستان صوبرانیه مجلسنده عمله نک مدت سغیلری حقنده وقوعه بولان برمذاکرده التي ساعت چالشلمسی اصولک تکلیفی اوزرینه اعضادن بریسنک حضرت محمد (صل الله علیه وسلم) ک ده یکرمی درت ساعتی عبادت ، استراحت . اویقو ، سعی ایچون الیشر ساعته تقسیم ایتدکنی بیانله عمله نک ده اوقات مساعیسنک التي ساعت اولسنک قبولی تکلیف و صوبرانیه اعضاسنجه قبول اولمیدینی یازیوردی .

شوقره صباحک نظر دقتی جاب ایدم رک ایریجه تصدیق علویت دیه یازدینی کی هرکسله برابر بنمده دقتمی جلب ایتدی . فقط نجه جالب نظر دقت اولان جهت بسبتون بشقه در . اینی دوشونیلیرسه علویت اسلامیه نک بوصورتله سرزده ظهور اولمسی ویاخود بلغارستان صوبرانیه مجلسنده برحقک قبول ایدلمسی — ولومسلمانلرک قبول ایتدیکی برحق اولسون — نظر دقتی جاب ایدم جک ماهیتده دکلدر . چونکه بزجه علویت اسلامیه ذاتاً محقق اولمیدینی کی ، صوبرانیه اعضاسنک ده حتی نرمده وکیمک ایدم بولورسه المقده ، قبول ایتمکه تردد ایتیه جکی ده